

Mr.sc. Rusmir DJEDOVIĆ
Nermin IBRIĆ, prof.

NASELJE URISIĆI U OKOLINI SREBRENICE KRAJEM 19. STOLJEĆA – KULTURNO-HISTORIJSKO NASLIJEĐE

Abstrakt: *U radu se govori o naselju Urisići kod Srebrenice. Njegovom naslijeđu u daljoj prošlosti i brojnim lokalitetima.*

Daje se i detaljan pregled izgleda naselja Urisići krajem 19. stoljeća, tačnije 1894. godine. Analiziraju se sve kuće u dijelovima: Urisići, Porobići, Greben i Mujići.

Također, daju se opće karakteristike naselja Urisića na kraju 19. stoljeća, kao i pregled familija u njemu.

Rad je napisan uglavnom na osnovu do sada nekorištenih izvora, Gruntovnih knjiga. U njima se nalaze podaci o vlasništvu nad kućama i parcelama 1894. godine.

Ključne riječi: *Urisići, kraj 19. stoljeća, kulturno-historijsko naslijeđe, dijelovi naselja, kuće, familije.*

Uvod

Urisići su manje naselje koje se nalazi južno od grada Srebrenice, blizu rijeke Drine. Preciznije, nalazi se u srednjem toku riječice pod nazivom Rijeka¹. Ona nastaje sjevernije na padinama planine Nesmotar a uliva se južnije u rijeku Drinu.

Naselje se razvilo na padinama manjeg proširenja u dolini navedene rijeke, u kojem se sjevernije u Rijeku uliva sa zapada potok Popovac a u središtu naselja sa cistoka Karanski i Mujića potok. Dijelovi Urisići i Porobići nalaze se između 400 i 450 m nadmorske visine a Greben je znatno viši na 660 – 700 m.

Starinom se Urisići graniče sa sjevera Radoševićima, Kraljevićima i Karačićima, istočno naseljem Karinom (Karno), južno Prohićima a sa zapada Ljeskovikom.

Područje Urisića je naseljeno od najstarijih vremena. Iz antičkog perioda

¹ Na austrougarskoj topografskoj karti razmjera 1:75.000, naziva se Bručica.

je jedna rimska stela (na lokalitetu Ravne, sjeverno od naselja).²

Iz perioda srednjeg vijeka je u nauci poznata veća nekropola stećaka u zaseoku Greben sa 70 nadgrobnika.³ Novija saznanja govore o znatno više nekropola i stećaka u Urisićima.⁴

Područjem Urisića su vodili i stari putevi. Jedan se od sjevera i Karačića, preko Križevina dugačkom kosom spuštao u središte naselja (kod starih grobalja) a dalje niz dolinu Rijeke išao ka Prohićima i rijeci Drini.

Iz središta naselja ka zapadu je stari put koji u Ljeskoviku izlazi na nekada važnu trasu Srebrenica-Jasenova-Ljeskovik-prelaz preko Drine.

Na stare puteve podsjećaju i toponimi *Kaldrma* koji su zabilježeni krajem 19. stoljeća.⁵

Brojni su toponimi koji upućuju na značajno naslijeđe Urisića. Takvi su *Gradac* i *Gradovac*. U osnovi je riječ Grad a poznato da naziv Gradac često upućuje na antičke lokalitete.

Vrlo značajan toponim je pod nazivom *Bogumila*. Radi se o lokalitetima sa veoma rijetkim nazivom. Buduća istraživanja će pokazati dali se radi o srednjovjekovnim stanovnicima Bosne, koji neki nazivaju i Bogumilima.⁶

9	138	sibara Verlovići		470
10	139	šuma Verlovići		464
11	140/1	sibara Bogumila oranica	1	260 440
12	143/1	šuma Bogumila	2	370 160
13	146/2	šuma Verlovići	4	230 250
14	148/1	oranica Verlovići	3	200 1 800

Izvod iz Gruntovnog upisa 1894. godine, sa nazivom *Bogumila*

Na značajno naslijeđe upućuju i toponimi: *Krst* u Urisićima i nešto sjeverniji *Kraljevići*, *Zapopovac* (odnosno *Popovac*) i *Križevina*. O dugoj tradiciji uzgoja vinove loze govore toponimi *Vinogradine* i *Zavinjica*.

Na staro stanovništvo i naseljenost upućuju toponimi: *Đurđev dol*, *Živanovina*, *Lauković*, *Verlovići*, *Pašića diljka*, *Besare*, *Staništa*...

Iz osmanskog perioda (1878. godine) naselje Urisići je izašlo pod

² Alija Suljić, Antropogeografske odlike naselja Urisići, Zbornik radova Prirodno-matematičkog fakulteta, broj 4-5, Univerzitet u Tuzla, Prirodno-matematički fakultet, Tuzla, 2008., str. 163.

³ Šefik Bešliagić, Stećci Bosne i Hercegovine kataloško-topografski pregled, Sarajevo, 1971., str. 236.

⁴ Nekropola sa stećcima ima još i na lokalitetima kraj Rijeke i blizu muslimanskog mezarja, te, Liješće i Zobište. Ukupno sa oko 200 stećaka. Alija Suljić, Antropogeografske..., str. 163.

⁵ Nazivi k.č.: 355 na Kaldrmi, 356 na Kaldrmi (180m²; 330m²), 357 na Kaldrmi. Broj gruntovnog uloška: 163.

⁶ Parcele na k.č. 144 oranica **Bogumila** i 145šuma **Bogumila**. Broj gruntovnog uloška: 163, Gruntovnica u Srebrenici.

nazivom Urišići sa 24 kuće. i 156 stanovnika.⁷ Također, naziva se Urišić 1885. godine. Tada ima 31 kuću i 175 stanovnika.⁸

Urišići se spominju i u jednom dokumentu (izinnami) iz 1887. godine. Tada se spominje udaja Viloše kćeri Mujine iz sela Urisić za osobu pod imenom Bekir Ibrahim iz sela Leskovik.⁹

Pregled kuća i familija Urisića 1894. godine

U nastavku dajemo i detaljan pregled naselja Urišići 1894. godine. Dajemo pregled svih dijelova naselja, svih kuća u njima, svih prvih vlasnika kuća, dosta parcela i nešto nasljednika prvih vlasnika.

U cijelom naselju Urisići starinom se izdvaja nekoliko manjih dijelova, koji se nazivaju Urisići (u užem smislu), Porobići, Greben i Mujići.

Urišići

Ovo je najveći dio naselja i nalazi se na zapadnim padinama doline Rijeke, ispod padina koja se nazivaju Gmize. Godine 1894. ovdje se nalaze sljedeće kuće i familije:

Na katastarskoj čestici (k.č.) broj 1/8 je **kućište sa kućom** kućni br. 2 (kasnije gradilište) od 50m² i 1/32 voćar više jaza (500 m²).

Sve u vlasništvu: Fejze **Memiševića** umrlog Memiša iz Urisića sa jednom sedminom, Huseina Memiševića umrlog Memiša iz Urisića sa jednom sedminom, ostavština iza umrlog Hasana Memiševića umrlog Memiša iz Urisića sa jednom sedminom, Bege Memiševića umrlog Malage iz Urisića sa dva dvadeset i prva dijela, Hane malodobne kćeri umrlog Malage Memiševića iz Urisića sa jednim dvadeset i prvim dijelom, Ibiša **Mujića** umrlog Mustafe iz Urisića sa sedam sto devedest i šestih dijelova, Sumbula Mujića umrlog Mustafe iz Urisića sa sedam sto devedest i šestih dijelova, Hanče rođene Mujić udate za Muharema Sinanovića iz Urisića sa sedam tri sto devedeset i drugih dijelova, Dude rođene Mujić udate za Muhu Suljića iz Urisića sa sedam tri sto devedest i drugih dijelova, Biluše rođene Mujić udate za Beću Hodžića iz Ljeskovika sa sedam tri sto devedest i drugih dijelova, Have rođene Garibović udove iza Muje Mujića iz Urisića sa jednim petdeset i šestim dijelom, Mehe **Selimovića** umrlog Selima iz Urisića sa jednom sedminom i Šabana malodobnog sina Fejze Memiševića iz Urisića sa jednom sedminom.¹⁰

K.č. 1/9 **kućište sa kućom** k.br.3 (kasnije gradilište) od 50m².

⁷ Štatistika miesta i pučanstva Bosne i Hercegovine, C. I kr. vladina tiskarna, Sarajevo, 1880., str. 95.

⁸ Štatistika mjesta i žiteljstva Bosne i Hercegovine po popisu naroda 1. maja 1885., Zemaljska štamparija, Sarajevo, 1886., str. 154.

⁹ Tufan Gunduz, Tuzlanski, Bijeljinski i Srebrenički sidžil (1641-1883.), Arhiv Tuzlanskog kantona, Tuzla, 2008., str. 22.

¹⁰ Broj gruntovnog uložka: 2...

U vlasništvu: Bege **Memiševića** umrlog Malage iz Urisića sa dvije trećine i Hane malodobne kćeri umrloga Malage Memiševića iz Urisića sa jednom trećinom.

Godine 1898. Od Hane na Begu Memiševića um. Malage i Huseina Memiševića um. Memiša.¹¹

K.č. 1/11 **kućište sa dvorištem i kućom** k. br. 4 (110 m²) i 1/74 vrt sa Baščom (110 m²).

U vlasništvu: Fejze **Memiševića** umrlog Memiše iz Urisića sa jednom četvrtinom, Huseina Memiševića umrlog Memiše iz Urisića sa jednom četvrtinom, ostavštine iza Hasana Memiševića umrlog Memiše iz Urisića sa jednom četvrtinom, Bege Memiševića umrlog Malage iz Urisića sa jednom šestinom i Hane malodobne kćeri umrlog Malage Memiševića iz Urisića sa jednom dvanaestinom.

Godine 1895. dio Hasana prelazi na: Zilku udovu i malodobne: Hasana, Hanku i Vranu umrlog Hasana.¹²

K.č. 1/7 **kućište sa dvorištem i kućom** k. br. 5 (kasnije 20) od 160m² (kasnije 1/108 kućište sa kućom k. br. 21 od 30m²).

U vlasništvu: Huseina **Memiševića** umrlog Memiše iz Urisića sa jednom trećinom, ostavštine iza Hasana Memiševića umrlog Memiše iz Urisića sa jednom šestinom, Bege Memiševića umrlog Malage iz Urusića sa dvije devetine, Hane malodobne kćeri umrlog Malage Memiševića iz Urusića sa jednom devetinom, Ibiša **Mujića** umrlog Mustafe iz Urisića sa sedam sto šestdeset i osmih dijelova, Sumbula Mujića umrlog Mustafe iz Urisića sa sedam sto šestdeset osmih dijelova, Hanće rođene Mujić udate za Muharema Sinanovića iz Urisića sa sedam tri sto tridest i šestih dijelova, Dude rođene Mujić udate za Muhu Suljića iz Urisića sa sedam tri sto trideset i šestih dijelova, Biluše rođene Mujić udate za Beću Hodžića iz Urisića sa sedam tri sto trideset i šestih dijelova i Have rođene Garibović udove iza Muje Mujića iz Urisića sa jednim četrdeset i osmim dijelom.¹³

Na k.č. 1/3 **kućište sa dvorištem i kućom** k. br. 6 (150m²), te parcele: 1/28 šljivik Podkućnica (150 m²), 1/35 voćar Podkućnica dunuma 2 (500 m²), 1/36 šljivik Podkućnica (800m²), 1/45 šljivik Podkućnica (80 m²), 1/58 šljivik sa Baščom (520 m²), 1/98 vrt Nadkućnica (50 m²), 7/4 vrt kod Vodenice (200 m²), 221/2 vrt Premakuće (20 m²), 248 voćar Premakuće (140 m²).

Sve u vlasništvu 1894. godine Muharema **Sinanovića** um. Sinana iz Urisića.

Znatno kasnije Muharema naslijeđuju sinovi: Sinan, Salih i Mašo.¹⁴

K.č. 1/2 **kućište sa dvorištem i kućom** k. br. 7 (170 m²), te parcele: 1/29 šljivik Podkućnica (240 m²), 1/51 šljivik Podkućnica (60 m²), 1/59 šljivik za Baščom (320 m²), 1/81 vrt Nadkućnica (70 m²), 221/3 vrt Premakuće (20 m²), 250 voćar Premakuće (130 m²), 306 šljivik Močilo i Rakova Noga (580 m²).

¹¹ Broj gruntovnog uložka: 3...

¹² Broj gruntovnog uložka: 4...

¹³ Broj gruntovnog uložka: 5...

¹⁴ Broj gruntovnog uložka: 6...

U vlasništvu: Muške malodobne kćeri umrlog Muje **Hrustića** iz Urisića 1/3, Mušve rođene Brkovac udove iza Muje Hrustića iz Urisića i Rahime rođene Hrustić udove iza Mula Hašima Mujića iz Urisića 1/3.

Od Rahime 1907. godine prelazi na Šabana Mujića um. Hašima i Arifu r. Mujić udato Porobić. Godine 1938. Od Šaban prelazi na Muju i Šahina Hrustića zv. Mujića um. Šabana.¹⁵

Isti su vlasnici i drugih parcela.¹⁶

K.č. 1/14 **kućište sa dvorištem i kućom** k.br. 8 (kasnije gradilište) 160 m².

Vlasništvo: Muje **Ibrahimovića** umrlog Ibrahima iz Urisića sa pet jedanaestina, Osmana Ibrahimovića umrlog Ibrahimovića iz Urisića sa pet jedanaestina i Hanife rođene Ibrahimović udate za Vejza Krdžića iz Karačića sa jednom jedanaestinom.¹⁷

K.č. 1/4 **kućište sa dvorištem i kućom** k.br. 9 (100 m²) i 1/16 vrt pod kućom (450 m²).

U vlasništvu Ibiša **Ibrahimovića** umrlog Ibrahima iz Urisića sa deset jedanaestina i Hanife rođene Ibrahimović udate za Vejza Krdžića iz Karačića sa jednom jedanaestinom.

Godine 1916. Naslijeđuju Hasan Ibrahimović um. Ibiša i Keva r. Ibrahimovi udata za Šahmu Mešanovića iz Klotijevca.¹⁸

Na k.č.1/5 **kućište sa dvorištem i kućom** k.br. 11 od 130 m², 1/15 vrt pod kućom (200 m²) i kasnije 1/109 kućište (60 m²).

Vlasništvo Sulje **Ibrahimovića** umrlog Ibrahima iz Urisića sa deset jedanaestina i Hanife rođene Ibrahimović udate za Vejza Krdžića iz Karačića sa jednom jedanaestinom.

Godine 1902. naslijeđuju: Sumbul, mal.: Sulejman, Raha, Fatima, Zlatija i Zelja svi Ibrahimović um. Sulje i Hanča r. Salković udova.¹⁹

Parcela: 230 oranica Gaj (dunuma 4; 900m²), 231 pašnjak Gaj (650m²), 305/2 oranica Krst (prekriženo 850m²; 650m²), 305/7 oranica Krst (200m²), u vlasništvu su: Sumbe Ibrahimovića zvanog Borzan sina Sulje iz Urisića i Huseina Memiševića umrlog Memiše iz Urisića i to na jednake dijelove.²⁰

¹⁵ Broj gruntovnog uložka: 7...

¹⁶ Naprimjer: 1/62 pašnjak za Baščom (400m²), 1/64 pašnjak za Baščom (800m²), 129/1 livada Gradjevac (dunuma 1; 600m²), 158 šikara Dol (dunuma 6; 200m²), 159 oranica Dol (dunuma 7; 500m²), 160 šikara Dol (200m²), 161 šikara Dol (dunuma 1; 100m²), 162 pašnjak Dol (dunuma 1; 150m²), 163 šikara Dol (dunuma 3), 164 livada (350m²), 175 oranica Glavica (dunuma 4; 200m²), 176 šikara Glavica (180 m²), 177 šikara Glavica (dunuma 2; 200m²), 181 šikara Lučica (dunuma 4; 300m²), 182 oranica Lučica (dunuma 1; 500m²), 183 oranica Lučica (dunuma 4; 100m²), 184 šikara Lučica (dunuma 2; 500m²), 235 pašnjak Premakuće (300m²), 239/1 oranica Zelenjak (dunuma 2; 100m²), 239/2 šikara Zelenjak (210m²), 240 šikara Zelenjak (480m²), 259/10 šikara Vinogradina (dunuma 4; 300m²), 262 oranica Vinogradina (dunuma 1; 960m²), 263 pašnjak Vinogradina (dunuma 1; 820m²), 304 livada Močilo (dunuma 2; 200m²). Broj gruntovnog uložka 53...

¹⁷ Broj gruntovnog uložka: 8...

¹⁸ Broj gruntovnog uložka: 9...

¹⁹ Broj gruntovnog uložka: 11...

²⁰ Broj gruntovnog uložka: 60...



Granice naselja Urisića na austrougarskoj topografskoj karti

K.č. 1/6 **kućište sa dvorištem i kućom** k.br. 10 (kasnije gradilište) 160 m², te parcele:

1/13 vrt pod kućom (80 m²), 1/21 šljivik pod kućom (50 m²), 1/50 šljivik Podkućnica (150 m²), 1/88 vrt nad košarom (50 m²), 358 voćar Zavinjica (780 m²).

Sve u vlasništvu Ajke malodobne kćeri umrlog Malage **Suljića** iz Urisića sa sedam osmina i Zeke rođene Memišević prvog braka Suljić udate za Mehmeda Hasanovića iz Urisića sa jednom osminom.²¹

Ajka malodobna kći umrlog **Malage Suljića** iz Urisića ima i druge parcele.²² Zajedno sa Šabanom Suljićem umrlog Mehmeda ima još parcela²³ a sa

²¹ Broj gruntovnog uložka: 10...

²² Kao što su: 107 oranica Zobište (dunuma 2; 220m²), 136 šikara Verlovići (200m²), 137 livada Verlovići (dunuma 1), 202 šuma Premakuće (140m²), 214 oranica Gaj (dunuma 1; 450m²), 215 šuma Gaj (290m²), 218 oranica Premakuće (dunuma 1; 630m²), 309 oranica Rakova Noga (dunuma 1; 50m²), 383 oranica Zanjivica (dunuma 1; 600m²), 386 oranica Zavinjica (dunuma 1; 850m²), 400/4 šikara Zavinjica (400m²). Broj gruntovnog uložka: 156...

²³ K.č.: 128 livada Gradjevac (dunuma 8; 100m²), 255 pašnjak Gaj (dunuma 1; 560m²), 259/1 šuma Gaj (dunuma 6; 100m²), 278 livada Besare (dunuma 1; 170m²), 279/1 šikara Besare (dunuma 4; 150m²), 374 livada Kamenica (dunuma 2; 420m²), 375 šikara Kamenica (250m²), 379 oranica Živanovina (300m²), 400/1 šikara Kamenica (650m²), 400/2 šikara Živanovina (dunuma 1; 300m²), 128/2 livada „Građevac“ (dunuma 2; 470m²), 128/3 livada „Građevac“ (dunuma 1; 270m²), 128/4 livada „Građevac“ (dunuma 1; 270m²). Broj gruntovnog uložka: 166...

Šabanom i Zekom i druge²⁴.

K.č. 1/10 **kućište sa dvorištem i kućom** k. br. 12 (810 m²), te parcele: 1/12 šljivik pod kućom (550 m²), 1/22 šljivik pod kućom (420 m²), 1/52 šljivik Podkućnica (290 m²), 1/53 voćar Podkućnica (330 m²), 1/55 vrt za kućom (440 m²), 1/72 vrt nad košarom (380 m²), 1/78 vrt Nadkućnica (100 m²), 1/89 dvorište (70 m²), 1/101 voćar Podkućnica (kasnije kuća sa dvorištem) 650 m², 7/2 vrt kod vodenice (220 m²), 222/1 šljivik Premakuće (200 m²), 247 voćar Premakuće (160 m²), 249 voćar Premakuće (130 m²), 251 voćar Premakuće 420 m².

Sve u vlasništvu 1894. godine: Šabana **Suljića** umrlog Mehmeda iz Urisića 1/5, Mehmeda Suljića sina Šabana iz Urisića 1/5, Hasana Suljića sina Šabana iz Urisića 1/5, Reše Suljića sina Šabana iz Urisića 1/5 i Muharem Suljića sina Šabana iz Urisića sa 1/5.

Od godine 1910., od um. Šabana prelazi na sinove: Mehmeda, Hasana, Rašida i Muharema, te kći Bahtu udato Mujić iz Ljeskovika.

Godine 1920. od Mehmeda prelazi na djecu: Aliju, Zlatu i Mušku. Dvije godine kasnije od Reše na djecu: Aliju, Ibrahima, Jusu, Fatu i Nuru.²⁵

Izgleda da je Šaban Suljić bio vrlo poduzetan jer krajem 19. stoljeća vidimo ga kao vlasnilka ili suvlasnika brojnih parcela zemljišta (neka je prepisao i na djecu):

Mehmed Suljić sina **Šabana** iz Urisića vlasnik je nekih parcela²⁶, također, Hanka rođeno Suljić udate za Fejzu Memiševića iz Urisića²⁷.

Mehmed Suljića sina **Šabana** i Pemba r. Dudić udata za Hasana Suljića, iz Urisića vlasnici su parcela.²⁸

Rešo Suljića sina **Šabana** iz Urisića vlasnik je parcela.²⁹

Šaban Suljića umrlog Mehmeda i njegovi sinovi: Mehmed, Hasan, Rešo i Muharem vlasnici su brojnih parcela.³⁰ Isti su zajedno sa Hankom rođene Suljić

²⁴ K.č.: 1/17 šljivik pod kućom (940m²) i 223 šljivik Premakuće (270m²). Broj gruntovnog uloška: 165...

²⁵ Broj gruntovnog uloška: 12...

²⁶ K.č.: 1/68 šljivik na Bašču (400m²), 110 oranica Verlovići (950m²), 321 livada Rakova Noga (dunuma 1; 520m²), 341 šikara Rakova Noga (490m²), 342 pašnjak Rakova Noga (430m²), 373 livada Palučak (dunuma 1; 700m²). Broj gruntovnog uloška: 158...

²⁷ K.č.: 1/56 šljivik pod Dudom (50m²), 1/67 vrt Grahovište (130m²), 259/12 šikara Grabić (350m²), 259/15 šikara Vinogradina (410m²), 264 oranica Vinogradina (400m²), 267 oranica Nadkuća (dunuma 4; 400m²), 275 oranica Grabić (dunuma 1; 900m²). Broj gruntovnog uloška: 157...

²⁸ K.č.: 205 šuma Okrajak (720m²), 206 oranica Okrajak (dunuma 3; 440m²), 207 šikara Okrajak dunuma 1; 250m²), 388 oranica Zavinjica (dunuma 3; 270m²), 389 šikara Zavinjica (120m²), 400/6 šikaza Zavinjica (dunuma 1; 800m²), 403 livada Palučak (dunuma 1). Broj gruntovnog uloška: 159.

²⁹ K.č.: 236 šikara Zelenjak (dunuma 2; 600m²), 237 oranica Zelenjak (dunuma 1; 740m²), 238 livada Zelenjak (530m²), 393 oranica Podkućnica (430m²). Broj gruntovnog uloška: 162...

³⁰ 114/1 oranica Verlovići (kasnije Ljeskova Bašča) dunuma 2 i 210m², 114/2 šikara Verlovići (200m²), 118/1 oranica Bara (dunuma 4; 500m²), 122 livada Bara (dunuma 2; 570m²), 134 livada Verlovići (dunuma3; prekriziženo 300m²), 135 šikara Verlovići (820m²), 138 šikara Verlovići (450m²), 139 livada Verlovići (dunuma 1; 400m²), 144 šikara Bogumila (dunuma 3; 100m²), 145šumaBogumila (dunuma 4; 250m²), 146/2 šuma Verlovići (dunuma 3; 200m²), 148

udata za Fejzu Memiševića iz Urisića vlasnici jedne parcele.³¹

Navedeni su sa Abidom, Salihom, Kasimom Siručićem zvanim Avdić umrlog Abdulaha i Kadom malodobneom kćeri umrlog Abdulaha, svi iz Voljavice vlasnici nekih parcela.³²

Šaban i negova djeca, te Ajka Suljić imaju zajedno sa djecom Saliha Salkovića (Hasan, mal. Alija, Murat, Omer, Ajša, Kadundžika, Fata i Abida) iz Radoševića imaju dosta parcela.³³

Familija Suljići starinom imaju parcele u zajedničkom vlasništvu sa drugim familijama iz Urisića. Tako, Šaban i Ajka imaju sa: Muharemom Sinanovićem umrlog Sinana iz Urisića sa jednom četvrtinom, Šabanom Hrustićem umrlog Mula Hašima iz Urisića sa jednom šesnaestinom, Muškom malodobnom kćeri umrlog Muje Hrustića iz Urisića sa jednom šesnaestinom, Mušvom rođeno Brkovic udove iza Muje Hrustića iz Urisića jednom šesnaestinom i Rahimom rođeno Hrustić udovom iza Mula Hašima Mujića iz

oranica Verlovići (dunuma 4), 149 šikara Verlovići (650m²), 156 oranica Verlovići (dunuma 1; 550m²), 196 šikara Gjurgjev Dol (200m²), 197 oranica Gjurgjev Dol (dunuma 1; 100m²), 198 šikara Gjurgjev Dol (240m²), 201 šikara oranica Zelenjak (dunuma 1; 220m²), 203 oranica Okrajak (dunuma 2; 900m²), 204 šikara Okrajak (dunuma 2; 250m²), 212 oranica Gaj (dunuma 4; 590m²), 213 oranica Gaj (dunuma 1; 110m²), 216 šuma Premakuće (dunuma 3; 180m²), 217 oranica Premakuće (dunuma 5; 730m²), 227 pašnjak Zelenjak (dunuma 1; 750m²), 243 oranica Zelenjak (dunuma 2; 930m²), 244 pašnjak Zelenjak (380m²), 245 oranica Zelenjak (dunuma 1; 950m²), 253 šikara oranica Zelenjak (dunuma 1; 250m²), 259/18 šikara nad Grabićem (dunuma 1; 30m²), 279/2 šikara Besare (dunuma 3; 100m²), 280 oranica Besare (dunuma 3; 860m²), 281 šikara Besare (420m²), 318 livada Pašića Diljka (570m²), 319 šikara oranica Pašića Diljka (210m²), 320 livada Pašića Diljka (370m²), 322 livada oranica Rakova Noga (520m²), 326/i oranica Rakova Noga (prekriženo dunuma 2; i ; prekriženo 930m²; 690m²), 328 oranica Zapopovac (dunuma 1; 200m²), 331 oranica Pašića Diljka (dunuma 1; prekriženo 910m²; 200m²), 334 pašnjak Zapopovac (300m²), 335 šikara Zapopovac (dunuma 1), 339 pašnjak Pašića Diljka (420m²), 340 šikara Pašića Diljka (290m²), 355 šikara oranica na Kaldirmi (dunuma 1; 120m²), 356 pašnjak oranica na Kaldirmi (180m²; 330m²), 357 livada oranica na Kaldirmi (930m²; 460m²), 360 livada Ravan (dunuma 1; 120m²), 370 livada Ravan (dunuma 1; 170m²), 371 šikara Ravan (dunuma 2; 830m²), 372/1 livada Ravan (dunuma 1; 210m²), 376 oranica livada Ravan (dunuma 2; 420m²), 378 oranica Živanovina (500m²), 380 oranica Živanovina (320m²), 382 oranica Zavinjica (kasnije ćirilicom Živanovina) (dunuma 1; 350m²), 378/1 oranica Zavinjica (dunuma 1; 540m²), 392 oranica Podkućnica (dunuma 1; 50m²), 400/3 šikara Živanovina (dunuma 2; m²), 400/5 šikara voćnjak Zavinjica (dunuma 1; 360m²; 960m²), 400/6 oranica, 407 šuma Laukovići... Broj gruntovnog uloška: 163...

Zatim, 1/68 šljivik Podkućnica (610m²; 540m²), 259/13 šikara Besare (200m²), 284 livada Besare (dunuma 1; 110m²), 291 oranica Besare (dunuma 3; 400m²), 297 šikara Besare (890m²). Broj gruntovnog uloška: 160...

³¹ Parcela k.č. 1/57 šljivik za kućom. Broj gruntovnog uloška : 164...

³² To su 76 šikara više Ade (dunuma 1; 350m²) i 78/1 livada Ade (dunuma 3; 900m²) Broj gruntovnog uloška: 161. A zatim i: 295/1 oranica Rakova Noga (dunuma prekriženo 2; dunuma 1; 100m²), 300 oranica Rakova Noga (dunuma 1; 300m²), 301 oranica Rakova Noga (dunuma 1; 600m²), 302 oranica Rakova Noga (640 m²; 970 m²), 303/i oranica Rakova Noga (dunuma 2; 410 m²). Broj gruntovnog uloška: 167...

³³ Radi se o: 1/63 pašnjak za Baščom (410 m²), 1/65 pašnjak za Baščom (kasnije ćirilicom Živana kuća) (320 m²), 1/66 oranica Grahovište (410 m²), 384/1 oranica za Baščom (160 m²), 384/3 oranica za Baščom (140 m²). Broj gruntovnog uloška: 169...

Urisića jednom šesnaestinom.³⁴

Šaban Suljić ima parcele u suvlasništvu: Fejze Memiševića umrlog Memiša iz Urisića sa jednim dvadeset i sedmim, Huseina Memiševića umrlog Memiša iz Urisića sa jednim dvadeset i sedmim dijelom, ostavštine iza Hasana Memiševića umrlog Memiša iz Urisića sa jednim dvadeset i sedmim dijelom, Bege Memiševića umrlog Malage iz Urisića sa jednom osamnaestinom, Hane malodobne kćeri umrlog Malage iz Urisića sa jednom osamnaestinom, Ibiša Mujića umrlog Mustafe iz Urisića sa jednom osamnaestinom, Sumbula Mujića umrlog Mustafe iz Urisića sa jednom osamnaestinom, Ajke malodobne kćeri umrlog Malage Suljića iz Urisića sa jednom osamnaestinom, Muharema Sinanovića umrlog Sinana iz Urisića sa jednom šestinom i Šabana Hrustića umrlog Mula Hašima iz Urisića sa jednom šestinom.³⁵

Parcelu k.č. 1/93 vrt Grahovište (240 m²), Suljići imaju u suvlasništvu: Fejze Memiševića umrlog Memiša iz Urisića sa tri petdeset i šesta dijela, Huseina Memiševića umrlog Memiša iz Urisića sa tri petdeset i šesta dijela, ostavštine iza Hasana Memiševića umrlog Memiša iz Urisića sa tri petdeset i šesta dijela, Bege Memiševića umrlog Malage iz Urisića sa tri petdeset i šesta dijela, Hane malodobne kćeri umrlog Malage iz Urisića sa sa tri petdeset i šesta dijela, Ibiša Mujića umrlog Mustafe iz Urisića sa tri petdeset i šesta dijela, Sumbula Mujića umrlog Mustafe iz Urisića sa tri petdeset i šesta dijela.³⁶

Parcelu 254 šljivik Premakuće (dunuma 2; 750 m²) Suljići imaju u suvlasništvu: Muharema Sinanovića umrlog Sinana iz Urisića sa jednom dvanaestinom, Šabana Hrustića umrlog Mula Hašima iz Urisića sa sedam sto devedeset i drugih dijelova, Muške malodobne kćeri umrlog Muje Hrustića iz Urisića sa sedam sto devedeset i drugih dijelova, Mušve rođene Brkovac udove iza Muje Hrustića iz Urisića sa jednim sto devedeset i drugim dijelom, Rahime rođene Hrustić udove iza Mula Hašima Mujića iz Urisića sa jednim sto devedeset i drugim dijelom, Bećira Porobića umrlog Sulejmana iz Urisića sa sedam sto trideset i petih dijelova, Rame Porobića umrlog Smajla iz Urisića sa sedam sto trideset i petih dijelova, Ahmeta malodobnog sina umrlog Smajla Porobića iz Urisića sa četiri osamdeset i prva dijela, Mustafe malodobnog sina umrlog Smajla Porobića iz Urisića sa četiri osamdeset i prva dijela, Mejre kćeri umrlog Smajla Porobića iz Urisića sa dva osamdeset i prva dijela, Hatidže rođene Porobić udate za Hamida Selimovića iz Tokoljaka sa dva osamdeset i prva dijela, Hasana Salkovića sina Saliha iz Radoševića sa jednim četrdeset i osmim dijelom, Alije malodobnog sina Saliha Salkovića iz Radoševića sa jednim četrdeset i osmim dijelom i Murata malodobnog sina Saliha Salkovića iz Radoševića sa jednim četrdeset i osmim dijelom.³⁷

³⁴ Parcele 1/1 pašnjak Potok (330 m²) i 1/85 pašnjak viš kuće (180 m²). Broj gruntovnog uloška: 168.

³⁵ Parcele: 130 pašnjak Dolnji Gradjevac (dunuma 9; 300 m²), 131 šikara Dolnji Gradjevac (dunuma 36, m²), 208 livada za Glavicom (dunuma 1; 180 m²). Broj gruntovnog uloška: 170...

³⁶ Broj gruntovnog uloška: 171...

³⁷ Broj gruntovnog uloška: 171...

Porobići

Porobići su dio naselja na istočnoj padini doline Rijeke, nasuprot dijela pod nazivom Urisići. Godine 1894. U njemu se nalaze slijedeće kuće i familije:

Na katastarskoj čestici (k.č.) broj 27 **kućište sa kućom** k. br. 13 (50 m²).

Vlasnici su: Hasana **Porobića** umrlog Hasana iz Urisića sa sedam šesnaestina, Dude kćeri umrlog Hasana iz Urisića sa sedam četrdeset i osmih dijelova, Have malodobne kćeri umrlog Hasana Porobića iz Urisića sa sedam četrdest i osmih dijelova, Havke rođene Porobić udate za Hasana Alića iz Osatice sa sedam četrdeset i osmih dijelova i Fatime rođene Salković udove iza umrlog Hasana Porobića iz Urisića sa jednom osminom.

Godine 1920. od Dude prelazi na mal. Hasana Porobića um. Hase.³⁸

K.č. 29 **kućište sa kućom** k.br. 14. (50 m²).

Vlasništvo Hate malodobne kćeri umrlog Mujana **Porobića** iz Urisića sa sedam osmina i Mejre rođene Muratović prvog braka Fehratović udate za Mehmeda Mujanovića iz Urisića sa jednom osminom.³⁹

K.č. 30 **kućištesa kućom** k. br. 15 (kasnije gradilište) 50 m², te parcele: 1/24 šljivik pod Baščom (840 m²), 1/25 voćar pod Baščom 210 m² i 41 šljivik Brijeg (550 m²).

U vlasništvu: Bećira **Porobića** umrlog Sulejmana iz Urisića sa polovinom, Rame Porobića umrlog Smajla iz Urisića sa jednom osminom, Ahmeta malodobnog sina umrlog Smajla Porobić iz Urisića sa jednom osminom, Mustafe malodobnog sina umrlog Smajla Porobić iz Urisića sa jednom osminom, Mejre malodobne kćeri umrlog Smajla Porobić iz Urisića sa jednom šesnaestinom i Hatidže rođene Porobić udate za Hamida Selimovića iz Tokoljaka sa jednom šesnaestinom.

Godine 1907. od Bećira na: Hanća r. Kraljević udova, Salih Porobić um. Bećira i Hamida udata Kadrić iz Karačića.⁴⁰

Na k.č. 31 **kućište sa kućom** k.br. 16 (40 m²), 12/4 *mlinište* (20 m²), te: 23 šljivik Podvoda (620 m²), 82 vrt Zaglavica (600 m²).

U vlasništvu: Bećira **Porobića** umrlog Sulejmana iz Urisića sa polovinom, Rame Porobića umrlog Smajla iz Urisića sa jednom osminom, Ahmeta malodobnog sina umrlog Smajla Porobić iz Urisića sa jednom osminom, Mustafe malodobnog sina umrlog Smajla Porobić iz Urisića sa jednom osminom, Mejre malodobne kćeri umrlog Smajla Porobić iz Urisića sa jednom šesnaestinom i Hatidže rođene Porobić udate za Hamida Selimovića iz Tokoljaka sa jednom šesnaestinom.

Godine 1910. od Rame na: Arifu Hrustić udovu, mal. Sulju Porobića um. Rame...⁴¹

³⁸ Broj gruntovnog uložka: 13...

³⁹ Broj gruntovnog uložka: 14...

⁴⁰ Broj gruntovnog uložka: 15...

⁴¹ Broj gruntovnog uložka: 16...

Greben

Greben je krajnji sjeveroistočni dio naselja Urisića. Nalazi se visoko u padinama Karanskog i Mujića potoka. Godine 1894. u Grebenu se nalaze slijedeće kuće i familije:

Na k.č. 658/21 **kućište sa kućom** k.br. 17 (40 m²).

U vlasništvu: Mustafe **Džanića** umrlog Džanana iz Urisića (1/3), Alije Džanića umrlog Džanana iz Urisića (1/3) i Jahije Džanića umrlog Džanana iz Urisića (1/3).

Godine 1900. od Alije prelazi na: mal. Džanu, Sulejmana i Šehru, te Salkunu Džaferović udovu. A 1905. godine od Mustafe prelazi na Salihu Džaferović njegovu udovu.⁴²

K.č. 658/19 **kućište sa kućom** k.br.18 (50 m²) i 658/18 vrt sa kućom (30 m²).

Vlasništvo: Smajla **Mujića** umrlog Mustafe iz Urisića sa jednom trećinom, Šeće Mujića umrlog Mustafe iz Urisića sa jednom trećinom, Tije kćeri umrlog Mustafe Mujića iz Urisića sa jednom šestinom i Kade rođene Mujić udate za Malagu Jusufovića iz Urisića sa jednom šestinom.

Godine 1897. od Kade prelazi na: mal. Nazifa, Nazifu i Bidu djecu Malage Jusufovića, svi iz Urisića, te na Malagu Jusufovića um. Alije iz Urisića.⁴³

K.č. 658/17 **kućište sa kućom** k. br. 19 (50 m²).

Vlasništvo su: Selima Kahrića umrlog Avde iz Urisića sa jednom osminom, Humije rođene Begić udate za Selima Kahrića iz Urisića sa tri četvrtine i Dudije rođene Spahija udove iza Selima **Begića** iz Urisića sa jednom osminom.

Od 1900. godine dio Selima prelazi na: Muju Kahrića um. Abde iz Karačića, Ibrahima Kahrića um. Abde iz Biljače, Ajku r. Kahrić udove iza Juse Avdića iz Borkovice i Umiju udovu Selima Kahrića iz Karačića. Od Umije 1903. godine dio kupuju Ibro Ibrahimović um. Omera.⁴⁴

K.č. 658/16 **kućište sa kućom** k.br.20 (50 m²).

Vlasništvo su Saliha **Nukića** umrlog Nuke iz Urisića sa dvije trećine i Dudije rođene Nukić udate za Husejna zvanog Mališa Mujića iz Urisića sa dvije trećine.

Od Salke Nukića 1902. godine prelazi na: Ramo Nukić um. Šendera, mal. Alija Nukić um. Šendera i Husein Mujić um. Zehe, svi iz Urisića. Godine 1903. od Dudije Nukić-Mujić prelazi na: Huseina Mujića um. Zehe, mal. Ramo um. Šendora Nukića...⁴⁵

K.č. 658/10 **kućište sa kućom** k.br.21 (50 m²), te parcele: 658/5 vrt za kućom (580 m²), 658/6 gradilište (40 m²) i 658/11 voćar za kućom (320 m²).

U Vlasništvu su Mešana **Mujića** umrlog Osmana iz Urisića.

Od 1927. godine vlasnici su: Fata r. Ramić udova, Osman, Alija i mal.

⁴² Broj gruntovnog uložka: 17...

⁴³ Broj gruntovnog uložka: 18...

⁴⁴ Broj gruntovnog uložka 19...

⁴⁵ Broj gruntovnog uložka 20...

Ramo Mujić um. Mešana i Šema udata Okanović iz Gladovića.⁴⁶

Na k.č. 658/8 **kućište sa kućom** k.br.22 (40 m²), te parcele: 658/7 gradilište (20 m²), 598/2 oranica Podplaz (2 dunuma i 200 m²), 599/2 pašnjak Podplaz (300 m²), 600/2 šikara Podplaz (1 dunum), 642 oranica Kunipirište (500 m²), 646 oranica Greben (160 m²), 656 oranica Kupusište (810 m²).

Vlasništvo Bećira **Mujića** umrlog Osmana iz Urisića.

Godine 1917. naslijeđuju Sumbul Mujić um. Bećira i Pemba udata Huremović iz Bajramovića.⁴⁷

K.č. 658/12 **kućište sa kućom** k.br.23 (390 m²), 654/2 gradilište (10 m²) i 658/14 šljivik za kućom (2 dunuma i 130 m²).

U vlasništvu su: Ibrahima **Mehića** umrlog Mešana iz Urisića sa sedam petnaestina, Mustafe Mehića umrlog Mešana iz Urisića sa sedam petnaestina i Hate rođene Mehić udove iza Mehmeda Alića iz Vučice sa jednom petnaestinom.

Godine 1901. dio Ibrahima kupuje Sumbul Muhić (valjda Mujić) sin Bećira. Od 1902. godine dio Mustafe naslijeđuju: Jaha udata za Sulju Zukića, mal. Haska um. Mustafe, Ibro Mehić um. Mešana, svi iz Urisića i Hata udova Mehmeda Sejdinovića iz Prohića.⁴⁸

Mujići

Mujići su u sjevernom dijelu Urisića. Kuće i familije na ovom području 1894. godine su:

Na k.č. broj 498 **kućište sa dvorištem i kućom** k.br.25 (520 m²), 369 *mlinište sa mlinom* (10 m²), te parcela: 81 šljivik pod Beširovom vodom (700 m²), 483 šljivik Pod Beširovom Vodom (600 m²), vrt Pod Beširovom Vodom (300 m²), 499/1 voćar pod kućom (prekriženo dunuma 11; 2 dunuma) (300 m²), 499/2 gradilište 10 m² (kasnije kućište 260 m²), 531/2 šljivika Debela Međa (200 m²), 658/15 šljivik za kućom (360 m²). Kasnije k.č. 496 kućište sa dvorištem i kućom k. br. 24 (300 m² i 497 voćar pod kućom (220m²).

Vlasništvo Huseina zvanog Mališa **Mujića** umrlog Zehe iz Urisića.

Godine 1904. prelazi na Mustafu Mujića um. Huseina. A 1911. godine prelazi na: Hasana, Saliha, Mehu i Ibru Mujića sinove Muje.⁴⁹

K.č. 496 **kućište sa dvorištem i kućom** k.br.24 (300 m²), te parcele: 497 voćar pod kućom (220 m²), 495 oranica Ravna njiva, 503 i 504 Podkućnica, 536 oranica Groblje (4 dunuma i 920 m²) i 537 šikara Groblje (400 m²).

Vlasništvo Mejre rođene **Dervišević** udate za Mustafu Osmanovića iz Urisića.

Godine 1896. kupuje Mustafa Mujić sin Huseina. A 1911. godine prelazi na: Hasana, Saliha, Mehu i Ibru Mujića sinove Muje.⁵⁰

Na k.č. (katastarskoj čestici) broj 293 **kućište sa kućom** k. (kućni) br. 1.

⁴⁶ Broj gruntovnog uložka 21...

⁴⁷ Broj gruntovnog uložka 22...

⁴⁸ Broj gruntovnog uložka 23...

⁴⁹ Broj gruntovnog uložka 25...

⁵⁰ Broj gruntovnog uložka 24...

(30 m²), 1/48 šljivik Podkućnica (250 m²) i 222/2 šljivik Premakuće (110 m²).

Vlasništvo: Hasana **Salkovića** sina Saliha iz Radoševića sa jednom šestinom, Alije malodobnog sina Saliha Salkovića iz Radoševića sa jednom šestinom, Murata malodobnog sina Saliha Salkovića iz Radoševića sa jednom šestinom, Omera malodobnog sina Saliha Salkovića iz Radoševića sa jednom šestinom, Ajše malodobne kćeri Saliha Salkovića iz Radoševića sa jednom dvanaestinom, Kadundžike malodobne kćeri Saliha Salkovića iz Radoševića sa jednom dvanaestinom, Fate malodobne kćeri Saliha Salkovića iz Radoševića sa jednom dvanaestinom i Abide malodobne kćeri Saliha Salkovića iz Radoševića sa jednom dvanaestinom.

Godine 1913. dio od Aiše na Osmana Mehanovića um. Hamida i njegovu malodobnu djecu Aliju i Begu iz Osatice.⁵¹

Opće karakteristike Urisića krajem 19. stoljeća

Detaljnou analizom naselja Urisići prema podacima Gruntovnih knjiga iz 1894. godine a za istoimenu Katastarsku općinu vidimo i njegove opće karakteristike.

Urisići tada imaju ukupno 25 kuća. Pojedini dijelovi naselja imaju sljedeći broj kuća: Urisići (u užem smislu riječi) imaju 11, Porobići 4, Greben 7 a Mujići 3 kuće.

U prvom dijelu, koji je zapravo prava i formirana mahala, kao tradicionalna urbanogeografska cjelina, nalaze se kuće sljedećih familija: Memiševića – 2 kuće, zajednička kuća Memiševića, Mujića i Selimovića, zajednička kuća Memiševića i Mujića, Ibrahimovića – 3 kuće, Suljića – 2 kuće i po jedna kuća Sinanovića i Hrustića.

U Porobićima su sve četiri kuće istoimene familije.

Greben ima tri kuće Mujića i a po jednu kuću: Džanići, Begići, Nukići i Mehići. U Mujićima su po jedna kuća: Mujića, Derviševića i Salkovića iz obližnjih Radoševića.

Cijelo naselje Urisići godine 1894. ima 13 familija sa posebnim prezimenom koji su ujedno i vlasnici kuća. To su: Mujići sa 4 kuće (suvlasnici još 2), Porobići sa 4 kuće, Memiševići sa 2 kuće (suvlasnici još 2), Ibrahimovići sa 3 kuće i Suljići sa 2 kuće. Ostale familije: Hrustići, Sinanovići, Džanići, Begići, Nukići, Mehići i Derviševići su vlasnici po jedne kuće. Selimovići su suvlasnici jedne kuće. Vlasnici jedne kuće Salkovići su iz Radoševića.

Krajem 19. stoljeća na Rijeci na području naselja Urisići postoje 4 mlina (vodenice). Najuzvodniji, ispod ušća potoka Popovac a nešto nizvodnije je drugi. U središtu naselja je treći a opet nešto nizvodnije četvrti.

Najuzvodniji će biti onaj na k.č 369 *Mlinište sa mlinom* (10 m²), vlasništvo Huseina zvanog Mališa Mujića umrlog Zehe iz Urisića.

Ispod ovog na k.č.88 je *Mlinište sa mlinom* (10m²) u vlasništvu familija

⁵¹ Broj gruntovnog uložka: 1...

Sinanović i Hrustić.⁵²

U središtu naselja, ispod Urisića a blizu groblja na k.č. 6 je *Mlinište sa mlinom* (20 m²) a vlasnici ove vodenice su Suljići i Ibrahimovići iz Urisića i Mehanovići i Salkovići iz Karačića i Radoševića.⁵³

U blizini su k.č. 7/3 vrt kod Vodenice (240m²)⁵⁴ i 772 kod Vodenice.

Biće da je nanizvodniji mlin krajem 19. stoljeća na k.č. 12/4 *Mlinište* (20 m²), u vlasništvu Porobića.⁵⁵

Naselje Urisići ima više starih groblja. Takva su u središtu naselja između Urisića i Porobića u proširenju doline Rijeke.

Krajem 19. stoljeća u naselju postoje i zemljišta koja se zovu Groblje a odavno su u privatnim rukama. Takve su parcele 536 oranica *Groblje* (4 dunuma i 920 m²) i 537 šikara *Groblje* (400 m²). Vlasništvo stare familije Dervišević. Ovo govori da su ovo groblja nekog starog stanovništva koje se još krajem 19. stoljeća smatralo davno nestalim.⁵⁶

Kada govorimo o islamskoj duhovnosti krajem osmanskog perioda, treba spomenuti i Mula Hašima Mujića. On bi mogao biti seoski hodža sredinom 19. stoljeća.

⁵² Godine 1894. u vlasništvu je Muharema Sinanovića umrlog Sinana iz Urisića sa polovinom, a drugu polovinu imaju nasljednici umrlog Muje Hrustića: Muška malodobne kćeri umrlog Muje Hrustića iz Urisića sa jednom šestinom, Mušva rođene Brkovac udova iza Muje Hrustića iz Urisića sa jednom šestinom i Rahima rođene Hrustić udova iza Mula Hašima Mujića iz Urisića sa jednom šestinom. Broj gruntovnog uloška: 153...

⁵³ Ono je u vlasništvu: Šabana Suljića umrlog Mehmeda iz Urisića sa jednim tridest i drugim dijelom, Mehmeda Suljića sina Šabana iz Urisića sa jednim tridest i drugim dijelom, Hasana Suljića sina Šabana iz Urisića sa jednim tridest i drugim dijelom, Reše Suljića sina Šabana iz Urisića sa jednim tridest i drugim dijelom, Muharema Suljića sina Šabana iz Urisića sa jednim tridest i drugim dijelom, Ajke (malodobne) kćeri umrlog Malage Suljića iz Urisića sa jednim tridest i drugim dijelom, Sulje Ibrahimovića umrlog Ibrahima iz Urisića sa jednim dvadeset i osmim dijelom, Muje Ibrahimovića umrlog Ibrahima iz Urisića sa jednim dvadeset i osmim dijelom, Osmana Ibrahimovića umrlog Ibrahima iz Urisića sa jednim dvadeset i osmim dijelom, Ibiša Ibrahimovića umrlog Ibrahima iz Urisića sa jednim dvadeset i osmim dijelom, Hanife rođene Ibrahimović udate za Vejza Krdžića iz Karačića sa jednim petdeset i šestim dijelom, Ibrahima Ibrahimovića umrlog Huse iz Urisića sa sa jednim dvadeset i osmim dijelom, Mešana Ibrahimovića umrlog Huse iz Urisića sa sa jednim dvadeset i osmim dijelom, Pembe rođene Ibrahimović udate za Mustafu Ramića iz Beširevića sa jednim petdeset i šestim dijelom, Reše Mehanovića umrlog Sulejmana iz Karačića sa jednom četvrtinom, Hasana Salkovića sina Saliha iz Radoševića sa jednim devedest i šestim dijelom, Alije malodobnog sina Saliha Salkovića iz Radoševića sa jednim devedest i šestim dijelom i Murata malodobnog sina Saliha Salkovića iz Radoševića sa jednim devedest i šestim dijelom

⁵⁴ Broj gruntovnog uloška 64...

⁵⁵ Radi se o: Bećiru Porobiću umrlog Sulejmana iz Urisića sa polovinom, Rami Porobiću umrlog Smajla iz Urisića sa jednom osminom, Ahmetu malodobnom sina umrlog Smajla Porobić iz Urisića sa jednom osminom, Mustafi malodobnom sina umrlog Smajla Porobić iz Urisića sa jednom osminom, Mejri malodobnoj kćeri umrlog Smajla Porobić iz Urisića sa jednom šesnaestinom i Hatidži rođeno Porobić udatoj za Hamida Selimovića iz Tokoljaka sa jednom šesnaestinom. Broj gruntovnog uloška 19...

⁵⁶ Broj gruntovnog uloška 24...

Stanovništvo krajem 19. stoljeća

U dokumentima iz 1894. godine nalazimo i prezimena već izumrlog stanovništva u Urisićima. Podatke o nekoliko takvih familija dajemo u nastavku:

Tada se spominje umrli Mujo *Hrustić*, tj. njegova kći Muška i Rahima *Hrustić* udata Mula Hašim *Mujić*. Mogući predak, Mujin otac *Hrusto* je živio oko 1825-1870. godine. Sin *Mujo* oko 1850-umro prije 1894. *Rahimin* i *Mula Hašimov* sin *Šaban* je zvan kasnije *Hrustić* a unuci *Mujo* i *Šahin*, *Hrustić* zvani *Mujić*.

U *Grebenu* je starinom bila neka familija *Dervišević*. Godine 1894. tu zatičemo *Mejru* rođeno *Dervišević* udatu za *Mustafu Osmanovića*. O starosti ove familije govori podatak da su oni tada vlasnici zemljišta koja se zovu *Groblje*.

Negdje krajem osmanske uprave u *Grebenu* je bila i familija *Begić*. To vidimo jer je 1894. godine jedne kuće suvlasnici *Humija* rođene *Begić* udata za *Selima Kahrića* i *Dudija* rođene *Spahija* udova iza *Selima Begića*. Ovaj *Selim* je živio krajem osmanske uprave.

U nastavku dajemo osnovne podatke o daljoj prošlosti (19. stoljeće) za sve prisutne familije u Urisićima na prelazu 19/20. stoljeće:

Ibrahimovići u *Urisiću* imaju krajem 19. stoljeća tri kuće. Najstariji poznati su *Ibrahim* (vjerovatno *Ibrahimović*) rođen oko 1830-umro prije 1894. godine (sinovi su mu: *Mujo*, *Osman*, *Ibiš* (umro prije 1916.) i *Suljo* (umro prije 1902.), svi rođeni oko 1850-1865. godine. *Suljo Ibrahimović* ima sina *Sumbu* zvanog *Borzan*. I *Huso Ibrahimović* je rođen oko 1830-prije 1894. godine, sinovi su mu *Ibrahim* i *Mešan* (rođeni oko 1860. godine). Godine 1903. spominje se i *Ibro Ibrahimović* um. *Omera*. *Omer* je rođen oko 1845 a umro oko 1890. a sin *Ibro* je rođen oko 1870. godine.

Porobići suporijeklom su iz gradskog naselja *Dervente*.⁵⁷ Krajem 19. stoljeća imaju 4 kuće u istoimenoj mahali. Najstariji poznati je *Sulejman Porobić* rođen oko 1820-30 a umrli krajem osmanske uprave. *Sulejman* ima *Smajla* i *Bećira*, rođenih oko 1845-1850 a prvi umro oko 1890. a drugi 1907. godine. *Hasan Porobić* rođen je oko 1830, umro oko 1880. godine (sin *Hasan* rođen oko 1860.). *Mustafa Porobić* je rođen oko 1850. A umro prije 1894. godine.

Sinanovići su porijeklom iz okoline *Užica* iz kojega su protjerani tokom 19. stoljeća.⁵⁸ Vjerovatno osnivač familije *Sinan* je rođen oko 1840-prije 1894. Sin mu je *Muharem*, oko 1870-oko 1940. godine.

Memiševići su porijeklom, vjerovatno, iz okoline *Užica*.⁵⁹ Najstariji poznati je *Memiš* rođen oko 1815-kraj osmanske uprave. Najstariji sin je *Malaga*, oko 1840-prije 1894. (sin *Bego* oko 1865.). Sinovi *Memiša*: *Hasan*, *Fejzo* i *Husein* rođeni su oko 1855-1860, prvi umro prije 1894. godine.

Suljići su porijeklom iz okoline *Zenice*, iz koje su se doselili sredinom

⁵⁷ Alija *Suljić*, *Antropogeografske...*, str. 167.

⁵⁸ Alija *Suljić*, *Antropogeografske...*, str. 167.

⁵⁹ Alija *Suljić*, *Antropogeografske...*, str. 166.

19. vijeka.⁶⁰ Najstariji poznati član ove familije je Mehmed Suljić koji je živio u prvoj polovini i sredinom 19. stoljeća (oko 1805-kraj osmanske uprave). Sin mu je Šaban (oko 1830-1894) koji je krajem 19. stoljeća vlasnik brojnih zemljišta. On je imao više sinova: Mehmed, Hasan, Rašid (Rešo) i Muharem. Izgleda da mu je najstariji sin Malaga Suljić koji je umro prije 1894. godine (iza njega ostala tada malodobna kći Ajka).

Mehmed je imao sina Aliju a Rešo: Aliju, Ibrahima i Jusu.

Selimovići počinju vjerovatno od Selima, koji je živio od oko 1830 a umro prije 1894. godine. Sin Meho je rođen oko 1860. godine.

Mujići u naselju Urisići su starinom (u 19. stoljeću) najbrojnija i izgleda i najstarija familija. Tada imaju kuće i zemljišta u dijelovima: Urisići, Mujići i Greben.

Najstariji poznati Mujić je po imenu Zeho, rođen početkom 19. stoljeća (oko 1805. godine) a umro još za osmanske uprave. Sin mu je Husein zvan Mališa (oko 1835-1904), on ima sina Mustafu (Muju) (oko 1860-početak 20. stoljeća) a ovaj ima: Hasana, Saliha, Mehu i Ibru. Oni starinom imaju i najuzvodniju vodenicu u Urisićima.

U Urisićima su starinom Mula Hašim i Mustafa (Mujo) Mujić, rođeni oko 1830 a umrli prije 1894. godine. Mula Hašim⁶¹ ima Šabana (oko 1860-prije 1938). Šabana po majci Rahimi Hrustić, često nazivaju i Hrustić. Također, njegove sinove Muju i Šahina, Hrustić zvano Mujić. Mustafa Mujić ima sinove Ibiša i Sumbula, rođenim oko 1860. godine.

U Grebenu je starinom Mustafa Mujić, rođen oko 1830-umro prije 1894. godine. Dali je to isti onaj Mustafa (Mujo) iz Urisića, neznamo. Imao je Smajla i Šeću, rođene oko 1860. godine. U 19. stoljeću je tu i Osman Mujić, rođen oko 1835 a umro prije 1894. godine. Sinovi su mu Bećir, rođen oko 1860 a umro prije 1917. (imo sina Sumbula) i Mešan, rođen oko 1860 a umro prije 1927. godine.

Džanići u Grebenu vjerovatno su dobili pretime po Džananu (zvanom Džano) koji je rođen oko 1830 a umro oko 1880. godine. Sinovi su mu: Mustafe, Alije i Jahija Džanić. Rođeni su oko 1855-1865. godine. Alija ima sinove Džanu i Sulejmana.

Nukići potiču od nekog Nuke, rođenog oko 1835 a umrlog oko 1880. godine. Njegov sin Salih (Salko) Nukić umrlog Nuke je rođen oko 1860. a umro oko 1900. godine. Nejasno je da li je u vezi sa Šenderom Nukićem koji je živio približno u isto vrijeme. Šender ima sinove Ramu i Aliju.

Mehići u Grebenu potiču od Mešana koji je rođen oko 1835. a umro oko 1880. godine. Ima sinove Ibrahima (Ibru) i Mustafu, oba rođena oko 1860-1870.

Salkovići su iz obližnjih Radoševića imaju kuću i zemljišta u Urisiću. Radi se o Salihu Salkoviću i njegovoj djeci: Hasanu, Aliji, Muratu, Omeru....

Kahrići u Grebenu imaju kuću tako što je Selim Kahrića umrlog Avde

⁶⁰ Alija Suljić, Antropogeografske..., str . 167.

⁶¹ U dokumentu iz 1894. godine, Mula Hašim Mujić. Broj gruntovnog uloška 171...

prije 1894. godine oženio Humiju iz izumrle familije Begić. Od 1900. godine dio Selima prelazi na: Muju Kahrića um. Abde iz Karačića, Ibrahima Kahrića um. Abde iz Biljače, Ajku r. Kahrić udove iza Juse Avdića iz Borkovice i Umiju udovu Selima Kahrića iz Karačića.

Na stare veze i moguće zajedničko porijeklo pojedinih familija Urisića upućuje suvlasništvo nad nekim nekretninama. Jedne kuće su vlasnici Memišević i Mujići. Još jedne kuće su vlasnici: Memiševići, Mujići i Selimovići. Sinanović i Hrustići imaju zajednički jednu vodenicu. Suljići i Siručići iz Voljevice imaju zemljište. Suljići, sa Sinanovićima i Hrustićima posjeduju zemljišta, te sa: Memiševićima, Mujićima, Sinanovićima i Hrustićima. Također, Suljići su suvlasnici sa Memiševićima i Mujićima, kao i sa: Sinanovićima, Hrustićima, Porobićima i Salkovićima (iz Radoševića). Suljići su vlasnici nekih parcela i sa Abidom, Salihom, Kasimom Siručićem zvanim Avdić umrlog Abdulaha i Kadom malodobneom kćeri umrlog Abdulaha, svi iz Voljavice.

U naselju Urisići na prelazu 19/20. stoljeće kao suvlasnici kuća pojavljuju se i druge familije koje su vjerovatno došle sa strane. Takve su: Osmanovići (Mustafa Osmanović oženio Derviševićku iz Grebena), Jusufović (Kada kći Mustafe Mujića udate za Malagu Jusufovića). Godine 1897. od Kade prelazi na: mal. Nazifa, Nazifu i Bidu djecu Malage Jusufovića, svi iz Urisića, te na Malagu Jusufovića um. Alije iz Urisića. Zeka rođeno Memišević prvog braka Suljić udata je za Mehmeda Hasanovića. Jaha Mehić je udata za Sulju Zukića. Godine 1927. spominje se Hana rođena Memišević udata za Jusu Meholjića iz Urisića.

Zanimljivo je da se više puta u Urisiću pojavljuje lično muško ime Sumbul, koje je inače rijetko. Radi se o: Sumbulu Ibrahimoviću um. Sulje, Sumbulu Mujiću um. Mustafe i Sumbulu Mujiću um. Bećira. Također, i ime Malaga (Malaga Suljića, Malaga Memišević i Malaga Jusufović).

Posebno su zanimljiva rijetka starobosanska ženska imena a koja su opstala u jednom malom naselju, sve do kraja 19. stoljeća. Takva imena su: Zeka, Vrana, Muška, Zelja, Zlatija, Zlata, Biluša, Duda, Mušva., Viluša...

ZAKLJUČAK

Iz prethodnog detaljnog pregleda izgleda naselja Urisići krajem 19. stoljeća, te sagledavanja njegovih općih karakteristika vidimo sljedeće.

Na području naselja se nalaze značajni tragovi kulturno-historijskog naslijeđa. Prije svega srednjovjekovnih nadgrobnika stećaka i toponima, naročito *Bogumila* i *Gradac*.

Krajem 19. stoljeća Urisići predstavljaju manje naselje sa najviše 25 kuća.

Tačnije, Urisići 1894. godine imaju ukupno 25 kuća raspoređenih u nekoliko dijelova: Urisiće (u užem smislu) sa 11, Porobiće sa 4, Greben sa 7 i Mujiće sa 3 kuće.

Prema službenom popisu iz 1895. godine, Urisići (tada popisani kao Urišići) imaju tri dijela, Urišiće, Porobiće i Greben. Popisane su ukupno 23 kuće sa 145 stanovnika.⁶²

Naselje je naseljeno isključivo sa Bošnjačko muslimanskim stanovništvom.

U Urisićima krajem 19. stoljeća trinaest familija sa različitim prezimenom posjeduje kuće. Još se spominje desetak drugih prezimena. Tada najbrojnija i vjerovatno i najstarija familija u naselju su Mujići, kojih jedino ima po cijelim Urisićima.

Dio naselja pod nazivom Urisići je krajem 19. stoljeća formirana mahala kao tradicionalna urbano-geografska cjelina. Ova mahala je praktično i dala naziv za cijelo naselje.

Usled poprilično slabog geografskog i prometnog položaja naselje nije ni kasnije imalo značajan porast broja kuća i stanovnika.⁶³

IZVORI I LITERATURA

1. Gruntovne knjige za Katastarsku općinu Urisići iz 1894. godine, Gruntovnica Srebrenica
2. Topografska karta iz austrougarskog perioda, razmjera 1:75.000.
3. Topografska karta iz austrougarskog perioda, razmjera 1:150.000.
4. Štatistika miesta i pučanstva Bosne i Hercegovine, C. I kr. vladina tiskarna, Sarajevo, 1880.
5. Štatistika mjesta i žiteljstva Bosne i Hercegovine po popisu naroda 1. maja 1885., Zemaljska štamparija, Sarajevo, 1886.
6. Glavni rezultati popisa žiteljstva u Bosni i Hercegovini od 22. aprila 1895., zemaljska štamparija, Sarajevo, 1896.
7. Imenik naseljenih mjesta NR BiH stanje 12. VII 1955. godine, Zavod za statistiku NR BiH, Sarajevo 1955.
8. Šefik Bešlagić, Stećci Bosne i Hercegovine kataloško-topografski pregled, Sarajevo, 1971.
9. Tufan Gunduz, Tuzlanski, Bijeljinski i Srebrenički sidžil (1641-1883.), Arhiv Tuzlanskog kantona, Tuzla, 2008.

⁶² Glavni rezultati popisa žiteljstva u Bosni i Hercegovini od 22. aprila 1895., zemaljska štamparija, Sarajevo, 1896., str. 356.

⁶³ Radi usporedbe, sredinom 20. stoljeća Urisići imaju samo 31 kuću i 206 stanovnika. U dijelovima: Greben 5 kuća i 51 stanovnika, Porobići 6 kuća i 33 stanovnika i Urisići 20 kuća i 122 stanovnika. Imenik naseljenih mjesta NR BiH stanje 12. VII 1955. godine, Zavod za statistiku NR BiH, Sarajevo 1955., str. 223.

10. Alija Suljić, Antropogeografske odlike naselja Urisići, Zbornik radova Prirodno-matematičkog fakulteta, broj 4-5, Univerzitet u Tuzli, Prirodno-matematički fakultet, Tuzla, 2008.

SETTLEMENT URISIĆI IN SREBRENICA AT THE END OF THE 19th CENTURY- CULTURAL AND HISTORICAL HERITAGE

Abstract: *This paper deals with the settlement of Urisici near Srebrenica. Its heritage in the distant past and numerous locations. There is a detailed overview of the Urisici settlement in the late 19th century, more precisely in 1894. All the houses in the parts are analyzed: Urisici, Porobići, Greben, and Mujići. Also, the general characteristics of the Urisici settlement at the end of the 19th century are given, as well as the overview of the families in it. The work was written mainly on the basis of previously unused sources, land registry books. They contain information on ownership of houses and plots in 1894.*

Key words: *Urisići, end of the 19th century, cultural and historical heritage, parts of the settlement, home, family.*

